

Hitzordu goxoa eta jendetsua

Jandarmen presioak salbu, Euskal Herria Zuzenean jaialdia xarmanki iragan da


Arrosako musika jaialdiaren antolatzaileak pozik daude. Hitzordu musikal erraldoia antolatzeko apustua finkatu zuten Piztu eta Irulegiko Irratia elkarteek. Hiru egunez agertu diren milaka lagunek frogatu diete bazegoela publiko bat horrelako kontzertuentzat.

Lutxi Fourcade / Arrosa

PIZTU ELKARTEAK eta Irulegiko Irratiak euskal woodstocka antolatzeko nahikaria adierazi zuten, urtearen hasieran, anitzek bi elkarte erotzat jo zituzten, apustu handia baitzen. Izan ere, nork pentsa zezakeen milaka lagunek Arrosako bidea hartuko zutenik kontzertuak entzuteko Nafarroa Behereko herri txiki honetan. Mendien artean, zirku baten izugarriko aterbea altxatu zuten, kanpalekua antolatu hiru egun bertan geratzeko eta dena prestatu harrera egiteko milaka lagunei.

«Euskal Herria Zuzenean lehen edizio honentzat, ez da dudarik gure apustua irabazi dugula», azaldu zuen poztasunez beterik Lof-ek, Piztu elkarteak ordezkariek, atzo. Arrosako pentzeetan lanari ekin zion, beste 60 lagunekin batera, laborari batek prestatutako soroak garbi uzteko, eta dena txukuntzeko aste bat beharko zela azpimarratu zuen. Festibalari dagokionez, emaitzak franko argi bildutako arrakastaz zabaldu zituen. «Hiru egunez, bospasei mila lagun desberdin agertu dira Arrosan eta 1.100 lagunek hiru eguneko txartelak erosi zituzten». Kontzertuen sartzeko kopuruak ere adierazgarri dira, zeren lehen zenbaki horiei gehitu behar zaie afro-reggae kontzertuko 1.300 sartzek ostiral arratsean, beste 2.200 sartzeko rock kontzerturako larunbat arratsean eta 1.300 lagun igandeko ekitaldian.

Estilo desberdinetako musikak programatu zuten antolatzaileek, «Euskal Herriko estilo ugarien ispilua eskaintzeko esperantzaz».



Hiru egunetan bospasei mila lagun hurbildu da Arrosara eta festa giro bikaina bizi izan dute.

BOB EDMÉ

Lofek azaldu zuenez. Ondoren, publiko desberdinak ere iharde-tsi zion gonbitari eta erritmo lasaiak nagusi baziren ostiralean, rockzale amorratuak larunbat gauean gehiago agertu ziren. 24.000 watt-eko bozgorailuaren indarra probatu zuten talde guztiek eta sari berezia eskaintzen ahal zaio Def Con Dos taldeari, musika ezin azkarrago emanez... Igandean, aldiz, publikoa herrikoia zena zen eta familia ugariaren ateraldia izan zen. Bertsolari, trikilari edo euskal kantariak entzuteaz gain, Anje Duhalde eta Terry O'Neil baladak edo Fabulous Troubadours Okzitaniako rap-reggae aldarrikatzailearen entzuteko parada ederra izan zen. Eguerditan, zortzi ehun bazkari eskaini zituen Orzaizeko ikastolak eta oihalezko aterbea beharrezkoa zen azkarki jotzen zuen eguzkiak babesteko.

«Hiru egunez lortu dugu zubi bat eratzea barnealde eta kostaldeko publikoaren artean, eskualde guztietako entzuleak ikusi baititugu», jarraitu zuen



Lofek, azpimarratuz alabaina jende gutxi etorri zela Hego Euskal Herriatik. «Asmoa genuen mugaz gaineko trukea antolatzekoa, baina aitortu behar dugu helburu hori ez dugula bete». Puntu beltzetan, halaber, jandarmen mugazainen aldetik jasandako presioa goraki salatu zuen Piztuko kideak. «Auto matrikulazioen etengabeko kontrolak egin dituzte, kontzertuaren eremuan sartu dira antolakuntzak bisitatzeko, aparkalekuaren lana trabatu dute eta mugazainak ere etorri dira kontzertu denboran».

Puntu hori izan ezik, dena xarmanki iragan zela azpimarratu zuen. Erran behar da 517 lagunek lanari ekin diotela hiru egunez gauzak ongi eramateko.

Bigarren edizioa antolatzeko asmoa azaldu dute jadanik Piztu elkarteak eta Irulegiko Irratiko kideek. «Festibalak frogatu digu publiko zabala zegoela horrelako hitzorduentzat eta hiru egunak iragan dira giro ezin lasaia goan», azpimarratu zuen. Baina lehenik bilan zabala egingen dute partaide guztiekin bigarren euskal woodstockaz pentsatu baino lehen. X

laburrean

■ Goaz taldeak hiru lan eskainiko ditu Tolosan asteburuan

GOAZ antzerki taldeak hiru egunetan beste horrenbeste antzezlan eskainiko ditu Tolosan asteburu honetan. Emanaldiak herriko Leizor antzokian izanen dira larunbat ostiral, larunbat eta igandean. Uztailaren 5ean antzerki saioan Fernando, bizirik hago oraindio antzezlan eskainiko du taldeak arratsaldeko 8.30etatik aitzitik. Hurrengo egunean, uztailaren 6, gaueko 10.30etan taula ratuko duten lana Euzko izanen da, eta uztailaren 7an igandean, Larrialdiak aurkeztuko du Goaz taldeak arratsaldeko 7.30etan. Saiokiko Debako antzerki talde amateurrak azken urteotan erakutsitako obren —Fernando bizirik hago oraindio eta Euzko duka azken emanaldia egun nahi du. X

■ Basarri bertso paper sarian parte hartzeko epea zabaldu dute

BASARRI bertso paper lehian ketaren hamahirugarren ekitaldirako deia zabaldu berri du Zarauzko Udalak. Parte hartzeko, gutxienez zortzi bertso saila igorri behar da uztailaren 30a baino lehen Zarauzko udaletxeko euskaraz zerbitzura. 150.000 pezeta (6.000 libera inguru) eskuratuko ditu irabazleak, eta 100.000 bigarren sailkatzen denak. Epaia iraileko lehen astean emango da, Zarauzko Euskal Jailetan egingo den Bertsolari Gazteen XIX. Txapelketaren barruan. Iazko ekitaldian Pello Esnal bertso jartzaile eta idazle zarauztarra izan zen garaile, Nire lehen inkesta bertso paperarekin. Hil berri zen haurtzaroko lagun bati jarritako bertsoak ziren haiek, egilearen gaztetako gizartearen mundua nolakoa zen erakusten zutenak. Bigarren saria Joxemari Izeta gajartzaile usurbildarrak jaso zuen, Etsipenaren leihotik lanarekin. X

IRAGARKI MERKEAK (943) 3 0 0 2 2 2

31 x 33 mm

31 x 33 mm
MODULO
(Araba-Nafarroa)

Eguna: 1.850 pta
Astea (6 egun): 1.500 pta
2 aste (12 egun): 1.300 pta
Hilabetea (24 egun): 950 pta

IRAGARKI
MERKEAK

31 x 33 mm
MODULO
(Iparralde)

Eguna: 18 l.
Astea (6 egun): 16 l.
2 aste (12 egun): 14 l.
Hilabetea (24 egun): 11 l.

Titiniteroak

Antzerkia
Haur berbera
Zirkotailerra

908772347
(943)467597

BIDAIAK

BAL - 239 - M/M

TANZANIA

TALDE BEREZIA: KENIA - TANZANIA

IRTEERA BAKARRA URRIAREN 13tik 30era
DONOSTIATIK gidari baten laguntzarekin

IBILBIDEA

DONOSTIA - BIARRITZ - PARIS -
NAIROBI - NAIVASHA LAKUA -
MASAI MARA - NAIROBI - AMBOSELI -
NGORONGORO - SERENGETI -
MANYARA LAKUA - TARANGIRE -
TAITA - MONBASA - NAIROBI -
PARIS - BIARRITZ - DONOSTIA

Erreserbak Telefonoz: (943) 46 16 08

Urbietan, 59 - Tel.: 46 06 88 / San Martzial, 1 - Tel.: 42 00 71
DONOSTIA

LEGIZPI 6
euskaltegia

*euskaraz
trebatzen*

Informazioa eta matrikula
Lasala enparantza, 3 behe
Tfn. 42 43 66